

皇宋十朝綱要

皇宋十朝綱要卷第十七

眉山李臺編

徽宗

丁亥大觀元年 遼主天祚乾統七年

正月戊子朔大赦 詔諸路奏獄獄案雖不定者皆勿坐罪 甲午蔡京依前司空為尚書左僕射魚門下侍郎 乙未尚書學直學劉應溪州進士張遠並為將仕郎應書學喻遠盡學喻 詔崇寧以前增置官中更併廢者令吏部檢舉注擬 庚子置議禮局及

詳議官檢討官

丁巳詔學生專一經願習他經者

聽之

禁道士齋醮不得倣僧徒鼓擊鈺鈸

己酉

給還係籍宰執墳寺

二月己未御批道士序位在僧上女冠在尼上

庚

申以廣西建築三州三縣四寨又築文地等七州三

十二縣蔡京率百官賀

甲子曲赦廣西諸路

詔

淮浙諸路私鑄錢限一季首納發赴京畿鑄御書當

十錢 乙丑御筆以學校三舍陞貢次第著為令

戊辰開陽武上邽直河

乙亥復置監學

己卯復

行方田 庚辰遣殿中侍御史沈時同鞠章緹盜侍

錢獄於蘇州

獄初起道開封尹李孝壽御史張茂直鞠勘至是又遣時

三月趙挺之罷為觀文殿大學士佑神觀使壬寅卒

戊戌以翰林學士鄭居中同知樞密院事居中貴

妃之族弟妃慙上乞罷之詔改資政殿學士中太乙

宮使兼侍讀 癸卯復置廣南福建提舉市舶官

甲辰手詔學校以八行取士并定八刑 詔上書邪

等人不得為國子生 辛亥詔京東路除登萊維密

州外並許行使當十錢 甲寅止令京畿鑄當十大

錢餘路並鑄小平錢 乙卯罷小鈔換民私錢 廢

沙苑監

四月己未詔以河北夾錫當五錢改鑄當二錢 甲戌詔湖南北師臣各認地分擒討獠賊

五月先是妖僧張懷素結知和州吳儲監潤州酒務吳倖等謀反事詔御史中丞余深開封尹林樞鞠之至是獄具己丑懷素儲倖伏誅山陰縣尉邵栗將仕郎楊公輔等處死儲之父安詩除名勒停編管潭州知杭州呂惠卿醴泉觀使蔡卞等連坐貶熙寧重有

差 甲午詔大晟府頒新樂于天下詔改四川交子  
為錢引 壬寅詔諸路有曉天下文歷算之人令所  
在州給券發進赴闕 癸卯詔自今凡總一路及監  
司之任勿以元祐學術及異意之人充選 壬子詔  
申請藍香茶並許直達尚書省 乙卯詔修飾河南  
會聖宮其陳設器皿之類三年一易自今旦望節日  
荐獻如景靈宮 劉達資授散官居住安州 沈疇  
鞠章縱獄以罪人翻異罷臺職詔知蘇州孫傑發運  
副使吳擇仁再鞠之

六月己未鄭居中等上哲宗御集 壬戌景靈宮建

禧祖殿室 復廣惠康賀州舊鑄夾錫錢監 辛未

湖南路提點刑獄陳義夫奏邵陽縣徭賊平

七月乙酉朔伊洛溢 追奪故相趙挺之觀文殿大

學士 庚子御筆應私藏天文等禁書並令首約免

罪 丁未童貫落內客省使 是月以王祖道言移

萬安軍于黎牙洞

八月戊午以戶部尚書徐處仁言詔縣令皆以主管

勸農公事入銜 己巳降德音于淮浙二十六州

辛未乾寧軍言黃河清

後有此  
不書

是月申明三省吏將

官止法

九月庚寅改陳橋驛為道觀賜名顯烈 章綖獄具

丙申綖貸死除名配沙門島綖兄知丹徒縣章綰等

並連坐羈管諸州有差綖妻染之以忤蔡京羅織

誣服云 禁鐵冶私相交易 己亥中書省言崇寧

五年上書觀望者五百餘人禁中悉已焚毀內二十

人情重今擇其尤甚者李景直曾綖黃宰方軫四人

指斥切害詔景直除名編管新州綖依前斬軫等以



他罪鞠治未竟

戊申上禧祖徽號

辛亥大饗明

堂大赦

十月庚申黎人聚衆圍萬安軍新城焚官寺殺巡檢

羅師中參軍陳會 乙丑通議大夫張商英責散官

安置歸州

明年二月移峽州

壬午廣西經畧王祖道遣將

劉淮中舉兵克南丹州莫公佺逃去翌日乃出降尋

詔王祖道遣人部送至闕

閏十月方軫父諸王府翊善通送吏部與監當差遣

軫尋編管嶺南

十一月壬子朔日食 丙辰置尚符篆官 詔復園

土法 丁巳尚書省上更定茶法十九條 改水磨

茶場為提舉茶事司諸路茶事令轉運司兼領 壬

戌詔以來年元日御大慶殿恭受八寶 乙丑鄭居

中等上鼎書祭鼎儀範 置符寶郎內外四員 戊

寅蔡京以禽復知南丹莫公佖進築平允及觀州等

率百官賀

十二月庚寅詔以牂牁夜郎諸酋納土蔡京加太尉

門下侍郎何執中進官有差 甲午黎賊圍觀州知

州劉惟忠中矢後十日卒 丙申置熙南路 丁酉  
開淇河入蔡河 詔兩浙及諸路買羅綾紗凡十六  
萬六千疋 戊戌詔內外佛寺尚有以通像侍立者  
並迎歸道觀不可遷則除之

戊子大觀二年 遼主天祚乾統八年

正月壬子朔受八寶于大慶殿大赦 元祐黨人情  
輕者落籍叙復官職 罷重法地分 罷提學司出  
賣輸納鈔旁 是日御製宣和殿記多述紹述熙寧  
之事及崇觀施行績效其文寔蔡京為之 己未蔡

京為太師 庚申右驍驎使黃瑋破莫搖賊于羅帽  
隘賊引衆去瑋入觀州 丙子趙懷德改封順義郡  
王 河南蕃子都總領緬什羅蒙為兩使留後賜姓  
名趙懷忠 童貫為武康軍節度使提舉龍德宮熙  
河蘭湟秦鳳路宣撫使內官建節自此始 是月河  
東河北盜起射殺平山巡檢趙贊又殺代州東路巡  
檢馬珪及官兵甚衆

二月甲申詔分曹建撮先自四輔帥府始次行之諸  
郡 甲午詔建徽猷閣歲哲宗御集 乙未御筆下

河北路帥臣監司逮擒剽群盜 壬寅廣西路提點  
刑獄索逋奏六十八峒黎賊恃險擾邊詔王祖道具  
析前後奏報異同急選兵討殺

三月己未罷藍香官兼領茶事 庚申詔以金錄重

寶道場儀頒天下 乙丑禁諸路直牒差官及差官

權攝 詔朝議至銀青光祿大夫各以左右為兩資

轉先右而後左有出身人及無出身人而帶直秘閣

者應轉朝議中散大夫者止作一官轉 戊辰詔江

東西福建兩浙路許鑄當二銖錢行使 丁丑詔河

北提舉捉殺張開張棹追討河北餘盜 戊寅詔元祐姦党孫固等四十五人及葉祖洽等六人並出籍

癸卯遣內侍符寶郎譚稹使舒江滁揚等州

四月甲辰重貲遣統制辛叔獻等統兵復洮州 戊

申詔茶事並許直達

五月庚戌朔日食 京西路提學路援言所領八州

管學舍乃至三千三百餘區生徒三千三百餘人乞

詔有司提會諸路文武大小學生并學費所用定數以付史館

壬子溪哥城王子滅征撲哥降復溪哥

城為積石軍

城洮州

丁巳童貫進檢校司空

戊辰以復洮州溪哥城知樞密院張康國等各進秩  
六月壬午詔東南帥府于見兵額外別屯二千人望  
郡一千人 壬辰詔知福州王祖道募公海槍杖手  
二千人應援海南 乙未詔殿中六尚大晟府辟雍  
并儀鸞司並隸臺察又詔自今擅請不隸臺察者並  
科違制之罪 戊戌詔元祐奸黨韓維等九十五人  
並出籍 庚子御筆陝西路戍兵依元豐戍額人數  
餘並直抽歸營 嚴樞密院封樁內外馬步軍關額

衣糧以其事歸之提點刑獄司令本司委知州通判  
兵官五日招一名 甲辰詔元祐黨人得罪宗廟出  
其罪籍已為大惠其或長惡弗悛當重發然 丙午  
增置光祿宣奉正奉正議通奉通議六階 戊申韓  
忠彥蘇轍安燾各復一官文彥博等十一人並追復  
一官 置尚書省習學公事官尋罷之

八月己亥置保州崇宗院

九月蔡京言熙南夷人獻納地土幅員二萬九千餘  
里及靖州辰州涪州上夷州下夷州南平軍播州寬



樂州安砂州譚州夷人等各獻納地土戶口甚衆率

百官賀

京之誣誕一至于此

癸亥修龍德宮成

乙丑詔諸

路州學經史開皆改為稽古閣

癸酉皇后王氏崩

丙子以復洮州曲赦熙河等路

十月丁酉詔監司人吏並依州縣法召募罷熙河

提舉措置坑冶錢監等官

十一月戊寅詔受命寶增鎮國二字

十二月己卯詔張商英自便壬寅葬靖和皇后于

永裕陵

癸卯御筆梓潼熙南廣西附順夷人令本

十月癸巳詔諸路見貢六尚局供奉物令殿中省具的確合用名色餘並停貢 丁酉詔罷直達綱自來年並依舊法復行轉般

十一月丁未太常寺議天文算學合以黃帝為先師風后力牧等八人為配享又以後世精于術數者自巫咸箕子至後周王朴等七十人為從祀 壬子甘露降尚書省左僕射左右丞廳及制勅院上作詩賜執政以下 己未詔免獠慕義納土邊吏當務体國安集無擾有妄意生事誘引激發希功冒賞者當重

置于法 己巳蔡京守太師致仕仍提舉編修哲宗  
實錄毛注又極言其不可乞早令去國不聽

十二月戊戌詔罷東南州軍鼓鑄夾錫當一錢 江  
淮大旱自六月至十月不雨

庚寅大觀四年 遼主天祚乾統十年

正月癸卯詔罷改鑄當十錢止鑄小平錢 辛酉詔  
士庶拜僧者以大不恭論

二月庚子禁燃頂煉臂刺血斷指者 丙子詔自今  
官司文移稱元祐姦党及党人者並稱係籍出籍人

議礼局上大觀新編礼書吉礼祭服制度及圖并看  
詳等書詔頒行之御筆改正七條 庚辰罷京西器  
五錢監 甲申詔今後文臣因酬賞轉至中奉大夫  
止 壬辰詔罷河東北京東西等路鑄夾錫鉄錢尋  
又廢諸路監院

三月庚子詔省醫算書畫四學：官及人吏皆罷  
已酉陳瓘先居明州遣子正彙以事如錢塘正彙  
告蔡京謀反有端引朝請大夫陳師錫為證時知杭  
州蔡寔方與京叙宗盟因執正彙送京師詔下獄瓘

自明州起建正彙竟坐所告失寔竄海島瑾安置通  
州師錫安置柳州 己未詔罷兩京教宗院 壬戌  
罷措置銅事司 乙丑罷園土法 丙寅詔上書邪  
等人依無過人例 戊辰詔諸路走馬仍許風聞言  
事

四月己卯頒樂尺于天下 癸未蔡京上哲宗建錄  
議礼局更定祀儀十六事詔從之 是月英公晟  
園觀州至六月乃解去

五月詔祠部權傳出給僧牒三年 乙巳復置東平

監 己酉權罷方田 甲寅立詞學兼茂科 章惇  
除落罪籍 罷崇寧所增重錄官司 乙卯募出奎  
婁間 丙辰避殿撤膳 詔侍從直言闕政 戊午  
大赦 己未詔今來赦文蔽自朕志孚于天心有陰  
懷異端違守不虔熒惑衆聽者以大不恭論 止四  
輔營造散遣後兵 壬戌詔廣西不帶點南路 癸  
亥治廣西開邊拓地妄誕之罪追貶前知桂州散官  
王祖道今知桂州張莊散官安置永州 甲子詔蔡  
京權重位高人屢告變全不引避公議不容降授夫

子太保致仕任便居住子知詔將來士人更特許  
科場取應一次

六月乙亥中書侍郎張商英為右僕射仍兼中書侍郎  
丙子詔三省造堂除簿月一進納以堂除先所  
占吏部窠闕還本部令依格差注 甲午詔書昨  
以星文譴告思正厥事以謹天成而士失所守拘于  
流俗鼓惑邪說傾動中外敕榜朝堂申嚴禁止 乙  
未詔自今臺諫言事若涉好惡迎合視望失當者必  
罰無赦

七月乙巳追復故通議大夫曾布等官

八月丁卯御製大晟樂記 戊寅詔東南監法大壞

通時通變理合增損差左司員外郎張察出使諸路  
講求聞奏以措置東南監事所為名于是始復行熙  
寧舊鈔法 有太常大晟太學辟雍等職事官二十  
餘員 已卯詔貢士八上等者與中等者並留太學  
以俟殿試 丁亥行內外學官選試法 甲午詔東  
南七路販草臘茶並依照寧舊制放令通商任便交  
易



閏八月丁酉罷提舉香監司 己未裁剪國學長貳

歲舉改官數 辛酉詔書申戒士大夫分朋植黨

辛丑詔諸路事有弗便于民者令監司實封以聞

己亥罷景靈宮中元節設盂蘭盆麻株練葉又詔禮

部州潤帝后忌辰水陸齋詞語 太廟去犬牲

九月甲寅朔日食 辛卯罷天下敕增寺院額

十月丁酉立皇后鄭氏

十一月丁卯祀昊天上帝于圜邱大赦 改明年元

罷天下方田 戊寅張商英乞脩皇宋政典詔於

尚書省置局 陳瑾自便 是月罷四輔許鄭澶州  
各還隸京西河北路拱州仍為襄邑縣隸開封府

十二月詔河北制置屯田並依元堂法

辛卯政和元年 遼主天祚天慶元年

正月甲子朔鄒浩復直龍圖閣 詔毀開封神祠不

在祀典者凡一千三百八十區 詔明州取陳瑾尊

光集赴政典局

二月甲午詔編脩元符初令格式 壬寅徙張商英

言置湖北路買金司 甲辰罷汝州河南府四錢監

乙巳置陝西河東提舉鑄夾錫錢官

三月議礼局續上大視礼書新修賓軍嘉禾等四礼  
詔依此修定儀注頒行之 乙巳詔守令以勸課植  
桑多少為賞罰

四月丙申罷諸路和買取民市利錢 己亥詔海南  
增置州軍縣寨令帥臣監司相度存廢利害以聞  
癸丑詔建懿宮親蚕殿以無穀為名 手詔陝西大  
鈔錢並折二與夾錫錢一等同行 甲寅置江淮荆  
浙六路提舉鹽事官尋罷之

五月丁卯詔自今公私當十錢並改作當三 詔兩  
學博士正錄諸州教授並依元豐舊制通試朝廷除  
授 甲戌詔上書邪上尤甚人范柔中今後更不許  
叙復 丁亥制置解監使李百禄奏鹽池生紅鹽  
六月知河陽胡師文提舉陝西鑄錢許天啓坐審議  
鑄當十銅錢貽害于民師文落集賢殿修撰提舉明  
道宮天啓錫兩官與監當差遣 甲寅蔡京復太子  
少師

七月上不豫將百日至是康復壬申降德音于天下

先是張商英怒門下省錄事路天忱不當為給事中  
劉嗣明押帖于取尚書省張希公牘奏點天忱一官  
是日嗣明繳駁不行商英奏嗣明非理沮臣乞送所  
司定曲直詔送御史臺定奪奏聞已而御史中丞張  
克公定嗣明為直詔商英放罪

八月乙卯詔罷修政典 張克公言張商英十罪丁  
巳商英罷為觀文殿大學士知河南府 詔議講局  
條上親耕籍田礼

九月辛酉朔張商英落職改知鄧州 己巳盜賊陷

九州甘江寨圍萬安寨 壬申張商英坐檀出勅令

校書郎李士觀赴政典局編類御前文字降西官

辛巳端明殿學士提舉醴泉觀鄭公中充選國生辰

使以童貫副之貫至虜廷君臣相聚指笑曰南國之

才如此遣一腐夫來使何耶貫還併與燕人馬植來

歸改姓名曰李良嗣又妄謂虜主盛稱蔡京之勛虜

蓋北禍實發端于此 降安武軍節度使郭天信為

散官安置軍州

天信本使衛人曾密白上當有天下  
上即位賞之使視隨龍人恩數

陳瓘坐著尊堯集特勅停竊管台州 深州司法余

負進奪所授官編管郴州坐張商英事

十月癸巳夏人遣使入貢先是上既責郭天信余負又詔開封府鞠訊具得商英遣負及僧德洪往來交結天信事寔辛亥責商英散官安置衡州郭天信投散官安置新州余負配沙門島德洪杖脊配朱崖軍庫部負外郎趙賜除名編管道州倉部負外郎范致明勒停餘人連坐論罪有差前同知樞密院事王襄前禮部尚書吳執中龍圖閣直學士范鎰龍圖閣直學士范致虛等八人並坐商英党落職官現

十一月壬戌上書邪等人不許試學官 己巳言者  
論范致虛致明之罪不在郭天信余負之下致虛青  
分司居住南京致明編官蘄州 甲戌禁以詩賦授  
進及禁程文引用佛書為虛誕之言 詔臣寮借紫

緋許佩魚

十二月乙巳詔知台州石幟于陳瑾處取尊光集又  
詔衡州於張商英處取元降御批真本 是歲遼主  
天祚改為天慶元年貢女真捕名鷹海東青誅求無  
藝女真厭若之諸部始潛附阿骨打謀舉兵叛



壬辰政和二年

遼主天祚天慶二年

正月乙亥何執中奏元夕以秦充國大長公主之喪  
乞展放燈日詔自二十一日為始特放燈五日甲  
辰御筆知舉蔡薏士人程文有詆誣先烈動搖國是  
以害紹述者並簽貼真卷進入當痛懲戒

二月戊子朔詔蔡京復太師仍舊楚國公致仕賜第  
京師知河南府李譔奏萬歲蟾蜍背生芝草何執  
中率百官賀上尋察其偽曰蟾動物也安得生芝聞  
大相國寺中多有鬻此者命以水漬之一夕而解于

是聽坐責

三月壬午蔡京入見 戊寅翰林學士蔡薺等奏乞  
今後試時務策並隨時參以漢唐歷代為問詔從之  
己卯罷賜進士及第英儔等詩改賜歲云詔復行  
方田 是春遼主天祚如混同江釣魚界外生女真  
酋長皆來會酒酣天祚使諸酋歌舞阿骨打獨不肯  
舞天祚欲誅之樞密使蕭奉先力請之乃免

四月丁亥朔詔縣令以十二事勸課農桑 御批潮  
州貢士林伯遠試策議論不正有害學術屏出學編

管永州知舉蔡薏以下降官有差 甲午燕宰執親  
王于太清樓上親為之記 戊戌以監察御史李彥  
章言詔士無得兼習史學三月戊寅詔勿行 癸卯  
御筆罷出賣係官田宅 壬子放張商英自便

五月己丑利州路轉運副使張巨猷羨餘三十萬緡  
為言者所論詔特罷之尋除名編管池州

十一月十二日

丁卯提舉崇福宮范垣坐獻鬻田之策為言者所論  
責授散官安置黃州 己巳太師蔡京落致仕三日  
一至都堂治事 壬申詔免書門下省文字 詔罷

科舉 甲戌詔罷東南米鹽官般官賣令客人自赴  
場請鹽興販 乙亥尚書省更定鹽鈔法十七條戊  
寅復置淮浙江湖等路提舉言事官 庚辰復置兩  
浙福建路市舶官 言者論內侍黃經臣明發害政  
力排紹述傾搖國是列其十罪詔經臣責授右衛將  
軍致仕尋居住單州 此雖不足盡符寶郎王甫除左  
建國時好惡 諫議大夫

六月丙戌朔手詔復有罷之官 戊子黃經臣又責  
散官安置單州 壬辰手詔應大觀三年四月以後

減廢併罷指揮不行悉如舊章 癸巳復置市場抵  
當諸縣鎮等官 丙申手詔戒臣下越職論事 詔  
諸路捕潮州賊劉花三 壬子復置西京南京敦宗  
院

七月甲子詔宗室有官人許添差不墮務

八月乙酉朔罷水磨茶法以其事歸尚書省 癸巳

罷京城所主管七路茶 甲午詔申明前後禁約州

縣科買科配率歛等令榜諭民戶 罷選試李官法

丁酉御筆遷出延福宮穆清燕寧等殿應緣今來

營造並不許增置官吏支破請給自延始大增徽延  
福宮命內侍楊戩等五人提舉謂之延福五位各出  
制度窮極侈麗 庚戌尚書省上更定茶法四十一  
條 焚毀元祐制詞

九月己巳詔自今年五月以後見行鈔法泊茶鹽法  
合傳載者具著為令 癸未詔正三公三少官罷舊  
三公官及尚書令 左右僕射為太宰少宰侍中中  
書令為左輔右弼 又詔改武選官稱及州府格目  
尚書省上諸州分建曹掾措置十二條 增左右

逸員闕五百四十餘處 甲申詔以太尉為武選一  
品

十月壬辰罷轉般倉六路般運仍舊直達京師 始  
宦者譚稹得玉珪于民間以獻上上以示輔臣蔡京  
等壬寅京等上元圭議 臣蔡論知定州梁子野獻  
嘉禾以膠粘紙經詔本州官吏令提刑司鞠訊 是  
月晉州亦上一石有文曰天正禋瑞四字

十二月己巳始詔諸路州軍各置貢院 戊寅南面  
受元主于大慶殿大赦 辛巳蔡京進封魯國公左

僕射何執中等進少傅換太宰仍魚門下侍郎 十  
二月乙巳詔改封婦人封爵郡縣君為夫人淑人以  
下凡八等 是月始詔諸路給地牧馬

癸巳政和三年 遼主天祚天慶三年

正月壬申追封王安石為舒王 戊寅詔應承受御  
筆處分無故違限一時者徒二年一日加一等三日  
以大不恭論

二月庚寅罷文臣勲官 己丑改諸州叅軍為掾

辛卯崇恩太后劉氏崩 己亥復置六曹主管架閣



官 甲午以遼女真相持詔河北治邊防 辛丑罷  
武臣勲官 乙巳增定六朝勲臣一百一十六人

丙午王雱封臨川伯從祀文宣王廟

三月壬子朔日食 辛未復置算學 甲戌道士徐

知常特授冲虛先生道教之盛自知常始 是春阿  
骨打至咸州辨阿鶻產趙三等事不承送所司置对  
一夕引騎徑去天祚亦不能罪

四月先是以福寧殿東誕聖之地作玉清和陽宮至  
是告成壬午朔上詣宮中行奉安礼 庚寅以新建

臻播等州降德音于梓護路 庚戌詔頒行五福新儀

閏四月辛亥朔復置醫學 丙辰改公主為帝姬郡主為宗姬縣主為族姬 辛酉手詔諸路將帥虜政不綱各條上備禦之策施設之宜 丁卯詔曹掾丞簿尉等見知州庭叅不拜 壬申詔東南七路茶園戶聽與客人從便買賣官中更不籍記 乙亥用宣德郎呂頤浩言以寺監丞法寺官外路學官諸路監司屬官鹽場坑冶錢監等窠闕並還吏部

五月庚辰朔上作廣思殿記 庚子大盈倉火 辛  
卯興復廣惠康賀街鄂舒七州錢監鼓鑄夾錫錢行  
于廣南荆湖淮南路 丙午葬昭懷皇后于永康陵  
丁未置尚書內省官吏 己酉手詔頒大晟樂于  
天下舊樂並禁

六月庚申詔有司討論礼器并壇壝之制

七月甲申追復王珪孫圀贈官并謚及韓忠彥曾布  
安燾李清臣黃履職名 己亥置礼制局

八月丁卯追冊貴妃劉氏為明達皇后 丁丑詔四

鎮并封王

九月辛卯遣兵部員外郎王璽召濮州廢士王老志  
赴闕

十月庚戌詔冬祀播大主執元圭 戊辰詔左金吾  
衛儀司增太師蔡京衛司為六十人 詔冬祀大祀  
以道士百人執威儀前導

十一月壬午加上神哲宗徽號 癸未上祀昊天上帝于圓邱大赦 龍圖閣學士提舉醴泉觀蔡攸奏  
郊祀日大神地示現 庚子更定鹽法十六條始改

用華制置合同號簿

十二月癸丑詔天下應道教仙經不以多寡許官吏  
士庶搜進 甲寅令州郡要貢士于學因講射礼

乙卯詔以來年夏至祭地于方澤 河南少尹部送

父老等凡四千六百餘人赴闕進表請上登封中嶽

戊辰尚書省上合用場法十八條 己巳中書省

修立宰相執政使相侍從貼職爵衛官東宮官正任  
這郡橫行內侍官大小使臣曹祿州縣官皆散等官

制

甲午政和四年 遼主天祚天慶四年

正月戊寅朔御筆置道階自六字先生至額外鑒義  
品秩比視中大夫至將仕郎凡二十六等 詔焚焚  
釋氏天公經 辛卯臣寮言天下名山洞天福地元  
係道士宮觀五季多為僧徒占奪詔諸路体究取旨

甲辰兗州命官學生道釋及文宣王四十七代孫  
孔若谷等赴闕進表請上登封東嶽

二月癸丑皇長子冠 辛未暉州命官學生道釋  
等八千六百餘人赴闕進表請上登封東嶽自是開

德興仁穎昌府等諸州並乞詣闕上表詔止之

四月庚戌幸尚書省

五月庚辰廢陝西路用政和通寶舊大錢錢撥赴錢  
監改鑄美錫錢 丙戌始祭地于方澤大赦 甲午  
直睿思殿楊戩為彰化軍節度使 丁酉應奉御筆  
內批只作聖旨行下

六月乙丑詔脩西京大內 庚午詔小學倣太學立  
三舍法

七月戊寅毀毒藥庫焚所蓄藥于新城門外仍詔自

今勿得復貢

八月乙巳詔改端明殿學士為延康殿學士樞密直學士為述古殿學士 是月新延福宮成上自作記

女真阿骨打始叛契丹

九月甲戌改宣德郎為宣教郎 辛卯詔以辟雍大成殿名頒之諸路州學 乙未阿骨打破遼國寧江州 己亥詔諸路兵赴役京師者並以十月朔遣歸 十月夏人圖遼使來賀天寧節附上誓表 十一月庚寅阿骨打又破遼將蕭嗣先于出河店



癸巳都天使者孟昌齡奏就大垣山立浮橋 癸亥  
御史臺看詳諸路監司所上利害邪等九人各責降  
有差

十二月癸丑詔朝議奉直大夫今後共以八十人為  
額

乙未政和五年

遼主天祚天慶五年

正月丙戌長寧軍夷人卜滿反攻陷梅嶺堡 己丑  
初立州學醫生 乙未詔遣諸路道士習御製法事  
五十三人各歸本處覲傳授科教師 夷人又攻樂

共城及武寧縣不克 三月壬子詔以北界與女真  
相持萬一貳爰侵邊令河北帥臣嚴備 甲寅冊定  
王為皇太子大赦 戊午復置陝西司河東提舉弓  
箭手司 庚午詔童貫總領六路邊事及承奉御前  
度分以承奉御前度分邊防司為名 是月梁共城  
監押潘虎誘殺羅始党首領五十餘人其族大怨擁  
衆攻梁共城三日不克

三月知瀝州賈宗諒遣知長寧軍劉堯年統兵入晏  
州界擊梅賴因裨將陳慶基王士傑戰歿官軍死者

百數 夏人寇郾延

四月甲辰建葆真宮 丁未幸秘書省 庚戌秘書

省殿以右文為名改集賢殿為右文殿 壬子改翰

林閣正官各自翰林醫官至和安郎共以三十人為

額 己卯道士董南運乞毀台州天寧寺所刻三教

圖并辯正論毀辱道教等文字從之 丙辰詔梓州

路轉運副使趙通招納畔夷如或不恭俟和涼出師

討蕩 癸亥置宣和殿學士 乙丑召宰執等閣臣

庶子弟五百餘人武技于崇政殿因至宣和殿賜宴

于苑中蔡京作曲宴記以蔡攸為宣和殿學士是日夷賊再犯鎮溪堡

五月癸酉潘虎伏誅夷賊據楠木埧梅樓埧攻剽遺民甚衆丙戌詔秦鳳路遣兵三千人令統制呂整統之赴渝南討夷賊丁酉廣州觀察使黃璘奏南詔大理慕義入貢乞專聽臣收接赴關詔從之仍就瀕州置局

六月己酉孟昌齡奏鑿大徑三山兩河修天成聖功二橋成夷賊攻武寧縣不克卒亥又犯梅嶺堡

癸丑以三山河橋成降德音于河北京東西路 乙  
丑河水漲溢壞河陽浮橋

七月戊辰朔日食 甲戌立法師六字四字二字比  
行守試鑒義法 初趙通乞陝西兵二萬人攻討夷  
賊壬申詔永興軍路運兵二千人赴之 乙亥詔沿  
邊任使皆不得誣宗室女夫 丁丑手詔即大內建  
明堂 辛巳詔更發涇原懷慶兵五千人討夷賊以  
趙通為招討統制使 是月詔湖南北兩浙路採木  
植修明堂

八月己酉移秘書省于它所以其地為明堂 先是  
蔡京嘗以大食國琉璃酒器獻皇太子太子命左右  
擊碎之京聞太子辱事陳邦光寔激太子乃風喻言  
者論之 庚戌差邦光提舉洞霄宮居住池州 詔  
陳瓘復承事郎許自便

九月先是育流星出柳宿赤黃色有尾跡照地占者  
以為國家建造宮室之祥 己巳蔡京率百官賀  
是秋浙西諸郡大水

十月癸卯嵩山道人王仔肯封冲隱處士 甲辰詔

焚毀藏經辨正論佛道論衡等書 己酉趙通發江  
安縣 戊午夏國遣使入貢

十一月趙通進兵至輪縛國賊匪聞甚力與別將馬  
覺張思正會兵翌日分兵攻國都將梁福死之 庚  
辰破國卜漏遁去趙通遣將利慶追卜漏于輪多國  
庚寅擒之 甲申詔許高麗所遣學生金端等五人  
入學

十二月丁未趙通班師是役也所調兵夫總五萬五  
百人凡破六十五村二千五國生擒賊首十八人斬

獲七千級 丁巳詔高麗學生每經以通經人二員

充博士 庚申李良嗣為秘書丞

丙申政和六年 遼主天祚天慶六年

正月壬申詔移上元節于閏正月 戊子以汴南建

築拓地千里宰執各進秩一等 是月渤海高永昌

叛遼國殺留守蕭保先自立為大渤海皇帝據遼國

五十餘州獨潘州不下

閏正月丁未置道學

二月乙丑朔上清寶錄宮成 癸酉修御河新堤詔



距後所一百五十里以上州軍各起米並許納錢免  
役 癸未詔隸州道士人劉棟赴闕 庚寅手詔度  
國之南展築京城將來繕修諸王外第與帝姬下降  
母得起移居民 是月夏賊李訛夥叛

三月乙未朔知吉州程祁奏得鳳凰詔令通判押赴  
闕及至乃知其妄云 己亥詔增置通濟兵士二千  
人牽挽御前綱運 辛丑詔宗室無得注沿邊差遣  
知成都府許光凝言茂州直將鄧永壽納乞建士  
置軍城詔賜名壽寧軍 乙卯以冲隱處士王仔晉

為通妙先生

四月先是沅州得明巨木于盧陽縣調丁夫入水犯  
雪撓之水澁木重偶撓折其一與吏以為罪羅織搆  
楚衆惧歛錢賊吏不許于是土豪黃安俊逆聚衆  
叛知州張建侯知縣王憲出兵討之戊辰皆遇害

辛未太宰何執中以太傅致仕許朝翔望壬申御  
筆只令朱勗等七人主管收買御前物色餘並罷之

甲戌御筆詔兩浙路收取民戶典賣田宅定帖并  
帖納錢專以計置供進物色及諸局造作生活起發

綱運等支用 起復中奉大夫任孝純知興仁府免  
上殿三省吏出知州府免上殿自孝純始 己卯淮  
南路罷行使夾錫錢已而詔江南荆湖廣東京西河  
北路皆如之 戊子詔陝西路鑄小鉄錢復置鼓鑄  
監院 己丑罷諸路提本鑄夾錫錢官吏百姓放歸  
農 丙戌詔禁監司守臣貢花菓海錯什物 庚寅  
詔蔡京三日一朝通治三省事以正公相之位事畢  
歸第 是月夏賊李訛嘯誘其統軍梁嘯暖入寇圍  
定邊軍築佛口谷為城七日解去

五月甲午朔蔡京遇朔望許朝三日一知印當筆

士寅賜京金銀從物 知樞密院事鄭居中為太宰

兼門下侍郎中書侍郎中夫為少宰兼中書侍郎

六月癸亥朔御筆陝西河東路仍用行夾錫及旧鉄

錢 甲戌熙河路築古骨龍谷及清水河新城賜名

震武德威 詔三省都錄已轉奉直大夫者依朝散

大夫班自今特恩轉直奉大夫者令出職 癸未皇

太子絢妃朱氏 詔陝西河東路新鉄錢并旧鉄錢

并見行夾錫錢仍舊以一當二一等行使 己酉黃

安俊圍沅州北都幹轄劉立夫遣兵擊之是日安俊  
為其黨所殺餘衆悉降 己丑左司諫黃葆光論三  
省吏遷補轉官俸給差違大弊有十詔並依元豐官  
制條法改正施行

七月壬辰朔以震武城為震武軍自崇寧元年用王  
厚之議再收復湟鄯至是哨廝羅之地悉為郡縣矣  
庚子御筆手詔戒群臣挾姦罔上當豐亨豫大極  
盛之時為五季變亂裁損之計仍出榜朝堂刻石尚  
書省 詔以御書大成殿榜付國子監揭之 辛亥

詔夷賊下漏黃安俊李世恭

世恭詔

已訖天誅今晏

沅州定邊軍集首七日

本紀作李弘明伏誅蓋悞也

壬子曲赦湖

北路 辛酉改走馬承受為廉訪使者

八月癸亥手詔付知雄軍和說戒師臣邀功生事務

在謹重 改通事舍人為宣贊舍人 壬申置提舉

辰沅靖州營田司以知沅州謝勲為之 癸酉從河

東陝西路宣撫使童贊之請詔曾應副邊事路縣分

權罷方田 是月兩浙路大水害稼

九月辛卯朔詣玉清和陽宮奉上玉皇徽號冊寶

壬辰手詔諸路搜訪岩穴隱逸雖恢詭譎怪自晦者  
悉以名聞 甲午播州夷賊攻州城義軍巡檢田祐  
禪等擊却之 丙申以上玉皇殿號太赦又以修西  
京大內城曲救京西路 己亥秦鳳路築東西川口  
城賜名保川 丁未增置徽猷顯謨室文天章閣及  
秘閣右文集英殿修撰帖職并旧王等為九等 戊  
申分湖荆北路置荆南及鼎豐兩路 乙卯提舉京  
西路平常威勛言河東路木植司自政和二年秋始  
被詔采伐官山林木前官張滌及勛在官提得柱梁

四十一萬五百條有奇為二百五綱赴京詔勅進一  
官 己未童貫以進築功加檢校少保夏國軍節度  
開府儀同三司

十月甲子起復王黼前翰林學士承旨為宣和殿學  
士 丙寅夏國遣使入貢 詔浙西路置興修水利  
所開修諸浦命本路提舉常平趙霖主之 丁卯許  
大理國入貢 甲戌用童貫言罷提轄陝西河東路  
鑄錢坑冶官 始用王仔昔言先定九鼎于恆殿  
乙卯奉安于天章閣 甲申詔奉安長生大帝君神



像于天章閣西位鼎閣 丁亥賜臣僚太師蔡京太宰鄭居中以下家廟祭器

十一月先是詔童貫僉書樞密院河西北面房事

辛卯又詔樞密院應差除武臣并調發兵將事悉令貫預之有須面議者許赴院面議雷同進呈者許同進呈 甲午賜九鼎名 乙未賜王甫第于昭德坊 播州夷楊文貴納土賜名思州 己亥祀昊天上帝于圓邱大赦 癸卯手詔上皇地祇祫饗 丁未御筆假將仕郎去假字改假承務為登仕郎假承奉

承事為通任舊將仕為迪功舊通仕為從政餘并仍  
舊通為十階 戊申嘉王楷特差提舉皇城司整肅  
隨駕禁衛所兼提舉內東門崇政殿等門 癸丑置  
提舉東南九路坑冶官命倉部員外郎徐禔為之  
遼人武朝彥等作亂謀殺燕王淳不克 戊午詔于  
武臣橫行內增親衛翊衛中侍協忠履正宣正正侍  
大夫通舊為十三階郎亦如之唯不置通侍 己未  
御筆分鼎建路都幹轄張寨招納胡耳兩道  
十二月甲戌詔陝西河東路增均糴勦糴處並權罷

方田 是月契丹國中盜賊大起 壬午大理國奉  
使李紫琮等入見 乙酉少宰劉正夫致仕 乙丑  
置中衛翊衛親衛郎 始作公田于汝州 是歲徵  
行始出 遼宰相張琳募兵討高永昌女真遣兵來  
援之永昌遂併陷潘州琳遁還遼主復遣燕王討之  
募遼東人旣怨軍者凡二萬人方攻潘州未克忽報  
女真兵入寇燕王復退保遼河女真尋攻渤海斬高  
永昌

丁酉政和七年

遼主天祚天慶七年

正月丙申季良嗣賜姓趙 秘書省奏道教五宗各  
有宗師至于上清通真達靈神化之道不係五教之  
內為高上之通乞敕主道君皇帝為師詔從之 熙  
河路築舊南宗連大同堡通作一城 丁巳賜名大  
同

二月癸亥以大理國王段和譽為雲南節度大理國  
王 甲子始溫州道士林靈素因左街道錄徐知常  
得幸于上賜號通真先生是夕托言有二天人一曰  
神霄玉清王一日清華帝君降于寶籙宮道錄傳布

烈作降臨記上之 丁卯御集英殿試高麗進士金

瑞等

三月庚申賜出身

辛未改天下崇寧萬壽觀為神霄

玉清萬壽宮

三月庚寅賜高麗王還豆筭筭等礼器 詔童貫帶

行同食書樞密院事 蘇州言茂州蕃賊寇石泉縣

知縣事李安國率兵禦之不勝將官李泳呼延濟王

玘李宋臣王澤戰死 辛卯詔秦鳳路遣將邱永壽

率兵二千人往討之 乙未童貫改權領樞密院事

是春夏賊李訛移圍定边軍現化堡凡四十五日

乃解去

四月庚申御筆朕乃昊天上帝元子卿等可冊朕為  
教主道君皇帝唯于教門章疏稱用 戊辰詔翰林  
學士承旨王黼宣和殿學士蔡攸盛章等至宣和殿  
觀神霄降臨齋作記上之

自後神怪之事不能悉書

五月己丑詣玉座殿奉上皇地祇徽號 初詔以鴻

臚寺應道士宮觀移隸秘書省 辛卯命蔡攸提舉

秘書省并左右街道錄院 辛丑祭地于方澤 癸

卯改玉清和陽宮為玉清神霄宮 始計置起發花

石命江淮監司兼領丁未詔罷之

六月戊午朔蔡京封陳魯國公京卒辭之 戊辰改  
節度觀察留後為承宣使 癸酉知熙州劉法遣將  
王德厚率兵築膳令古城 己卯徙知瀘州陳義叟  
知成都府措置縣茂州夷事 辛巳涇原路築寨多  
臺飛井塢兩寨詔賜名威川飛泉 是夏契丹主丹  
命燕王淳為都元帥會四路兵防秋

七月御筆許僧徒為道士賜度牒紫衣 女真人高  
藥師等避亂浮海趨高麗為風漂至我界馳基島知

登州王師中具奏其事庚申命師中遣將校七人偕  
以官與藥師等齋市馬詔泛海往女真訪虛實藥師  
等至海北見女真遜者不敢前而還 壬辰賜瞎合  
古城名德通 乙未置提舉御前人江所命內侍鄧  
文誥領之寺掌應奉之物 庚子詔八寶增定命寶  
為九寶 辛亥祭京奏諸路採買明堂木植所至多  
有神助率百官賀 甲寅詔季秋大享明堂登歌並  
用道士

八月庚午太宰鄭居中以母喪去位 辛未詔黎人



入貢令沿路優賜豐賜 丙子罷京東西河北路坑  
冶鑄錢司提舉東南九路坑冶司及根刷催促上供  
柴炭所 庚辰又罷陝西河東京畿京西路提舉鹽  
香茶礬事司 詔明州置高麗司

九月丙戌朔季秋宗祀禮成每月頒朔布政自十月  
為始 始以明堂告成罷諸路提舉木植官戊子詔  
復置罷湖北路進築胡耳西道 辛卯大享明堂  
大報 壬辰詔東南東北鹽興解鹽地方並依舊法  
癸巳童貫奏東京西京一百一處並依舊通行解

益 而蕃偽王子益麻結党征等來降丁酉入見  
庚子詔每歲以十月朔御明堂受來歲新歷退而頒  
之郡縣 知慶州姚古舉兵破夏賊偽成德舉生擒  
首領屈實辛丑古加檢校少保 壬寅宰臣論賞各  
進一官 庚戌遣保康軍承宣使直肅思殿譚稹往  
淮南督捕賊劉五 是月始作萬歲山詔御前製造  
所措置條畫今聞

十月乙卯朔御明堂平朔左箇以是月天運政治布  
告于天下又頒來歲 運歷教自是率以為常 辛

已手詔來年元日受定命寶 癸未蔡京請皇帝御  
明堂負宸朝百辟南面以聽天下從之 是月契丹

怨軍劫乾州

十一月庚寅詔蔡京細務特免餘書可五日一朝次  
赴都堂治事 辛卯鄭居中起復 中書侍郎余深  
為少宰兼中書侍郎 癸丑頒士服于諸路學宮凡  
釋奠作樂諸生皆服其服 是月契丹燕王淳詭兵  
會徽州禦女真

十二月丙寅道錄院奏乞毀崇寧證宗等論板從之

戊辰天神降于坤寧殿上自作記 庚午童貫為  
領樞密院事落權字 癸未觀文殿學士張商英撰  
觀文殿大學士 移陳瓘居住南康軍 是歲詔修  
神保觀神保觀者俗謂二郎神也都人素畏神自春  
及夏傾城男女負土以獻名曰獻土又有飾鬼使迎  
門催納土者人物繹絡上亦微幸覘之後以獻土納  
土非吉語有旨禁絕

皇宋十朝綱要卷第十七